



Peqqissutsimut Nunallu Avannarliit Suleqatigiinnerannut Naalakkersuisoq

Doris Jakobsen

Ulloq: 12-10-2016

J.nr.: 01.38.01.03-00072

UKA 2019/58 – Siunnersuut pillugu ilisimatitsiffiusumik oqaloqatigiiffiusumillu ataatsimiinnissamut aggeqqusissut

Ataatsimiitaliap siunnersuummik maanna suliarinninera innersuussutigalugu ataasinngornermi ulloq 17. oktober 2016, nal. 16.15, Inatsisartut ataatsimiittarfianni 2-mi ilisimatitsiffiusumik oqaloqatigiiffiusumillu ataatsimiitaliamik ataatsimeeqateqarnissamut matumuuna aggersarpakkit. Pissutsit makku nassuiaatigineqarnissaat tamatumani siunertarinqarpoq:

- 1) Utaqqisunut nalunaarsorsimaffiit nutartikkat saqqummiunniarlugit siunnersuummik siullermeerinninnermi oqaatigaat. Tamatumani 2015-imut aammalu ukioq manna 2016-mut tunngasut pineqarput. Ullumikkut kisitsisaatigineqartut ataatsimiitaliamit pigineqarsinnaaqqullugit nutartikkat taakku ataatsimiitaliamit piumaneqarput.
- 2) Utaqqisut nalunaarsorsimaffianni allattorsimasut ikilisarneqarnissaannut suut aporfiuppat aammalu aporfiit suut pingaaruteqarnerpaappat?
- 3) Siunnersuutip ilaa inuit suliffillit sallinngortinneqarnissaannut tunngasoq – taamaalillunilu suliaritinnissanut, piginnaanngorsaaqqinnissamut il.il. suliffillit sallinngortillugit immikkut pineqarnissaat - Naalakkersuisunit qanoq isumaqarfigineqarpa? Tamatumani siunertarinqarluni suliffimmut piaarnerpaamik uternissap qulakkeernissaa. Isummersuutitit tunngavilersuutitillu ataatsimiitaliamit qilanaarinqarput.
- 4) Utaqqissunut allattorsimaffimmi allattorsimasut ikilisarniarlugit naalakkersuinikkut suut iliuuserineqarsinnaasutut iliuusissallu suut kaammattuutiginarlutut Naalakkersuisunit isigineqarpat?
- 5) Ullumikkut pilattaaviit ingerlaannassappata aalajangersimasumik annertuussuseqartumik atomeqartariaqartut akissuteqaammi oqaatigineqarpoq. Taama oqarneq itisileqqullugu inussiarnersumik qinnuigineqarputit.



INATSISARTUT

- 6) Napparsimasut aalajangersimasumillunniit nappaatillit nunanut allanut suliaritikkiartortinneqarnissaannik isumaliutiginnittoqarpa aamalu inuiaqatigiit aningaasaqarnerannut pissarsissutaasinnaanera siunertaralugu tamanna erseqqinnerusumik misissorneqarsinnaava?
- 7) Peqqissutsimut sillimmasiissutit nunatsinni atornerarnerat ilisimasaqarfigaajuk, tamannalu annertunerusumik misissorneqarsimava?

Ataatsimeeqatiginissat ataatsimiititaliamit qilanaarineqarpoq. Oqalutsit ataatsimiititaliamullu ilaasortat atugassaattut allaganngorlugu nassuiaat nassaqquneqarpoq. Ataatsimiinneq minutsit 30-t ingerlaneranni ingerlanneqarsinnaasoq naatsorsuutigineqarpoq.

Ilaqutariinnermut Peqqissutsimullu Ataatsimiititaliaq sinnerlugu


Tillie Martinussen
Siulittaasoq